

CARNAVAL 5 maart 2011

- I Ons durp is noen jael en blau van kluur.
Sjlingere en vaane hange vaan duur bis duur.
D'r vasteloavend jeet bejinne.
Vuur junt danse en beginne te sjpringe.
 Huu j vange vier d'r carnaval aa mit ing mes.
 Dat heurt ziech zoe bei zoo'n groët fes.
 Vuur wille d'r Heer vaan himmel en aëd danke
 mit ozze moesiek, ozze zaank en anger klanke.
- Ich begruss d'r prins Robert III jans persönliech himself
Umgaeve mit ziene janse en staatse Road vaan Elf
lech begrus van de Eerstelinge mit jans veul tamtam
Prinses Shana en ooch nog ozze prins Bram.
 lech begruss vaan hatze en 'con amore'
 de auw prinse en ooch de senatore,
 lech bejruss de sjpasskapel en alle luuj vaan naam
 De boerebroet en broedegom mit hun janse karavaan.
- Natuurlichech ooch een woad voor de luuj van koer en zaank
Die bringe mit hun zank d'r Herrejt Lob und Dank.
Die zunt doa boave ummer sjtil en sjtunt gereed en vaedig,
nit vuur tse moele, mèr um tse loestere noa mieng praedig.
Mit ein Grüsswort will iech 't Kirchbesjtuur sterke
En ooch de anger luuj die hei in oos kirch fliesig werke.
 De dames van de blomme verdeene ozze dank
 En ooch de luuj die 't hei ummer maache: bliz und blank.
 Die de vinstere wäsche en t koëper losse blinke
 welkom de misdienaars die de altaarschelle losse klinke.
- Losse vuur noen danke d'r Heer van 't laeve
Losse vuur sjtil zie, al is 't mèr aeve.
Paul vanne kilo kiegt noe 't woad,
Want dae gieft oos ummer gowwe road.
- III Noen waet plechtieg de collecte aajezaat,
D'r kint noen jot jaeve, want dat is aajebraat.
Maach ung vreigaevigeed is gans woar,
Want in sjoal mit kleegeld die is doch zoe schwoar.
De collektante kriege 't doavaan in de erm
Ze junt schweese en kriege 't werm.
Jef drum noen jelt vaan papier
't is nit vuur miech mèr vuur Slievenhier.
lech will uuch zaage vuur alle sjteun,
Herzlichen dank und dankeschön.
- IV Op Äsjegoonstig is d'r vasteloavend gedoa
Daan mosse vuur um ein äskruuske vroage goa.
D'r schmink is daa voet mèr de ooge zunt noch blau,
Ing heesje stim hat daan jidderinge bau.
 Vuur wille daan vroage um ein kruutsje aan d'r Heer
 en veer wille beloave Hem daan, keer op keer,

dat veer noe echt vaaste wille goa.
en aan erm luuj wille dinke, hei en ooch doa.
Mèr, dat vuur ooch mèr luuj zunt, erm en schwaak,
en oos toch wille inzette veur de gooie zaak:
"Och Heer, ontferm uuch euver os.
Pak oos bei de hand en loat oos toch nooit mie los."
D'r Heer is doavaan gans gereurd.
Zoeveul gooie wil, dat is Hem nog noets gebeurd:
Hae zaet: "Geer blijft hei welkom, allemoal tezame,
geedere zondjigmörge, tot in iewigheit." Ame.
Maacht spass, zut loestig en doch braaf:
daan zaet d'r pastoer: Alaaf, alaaf, alaaf.

II Prädig

Op d'r boonte oavend is d'r nuuie prins oesjeroffe.
Dat is vuur oos durp werm ins richtieg boffe.
Dae prins is d'r Robert III vaan naam.
Inge kael mit inge gowwe naam en inne jowwe faam.
Oppe bergerweg doa sjteet zien hoes.
Doa veult hae zich heem en hiel good thoes.
"s oaves baadt zien hoes in een zee van lich.
't Liekt zoe, alsof weinachten is in zich
Mèr noen is dat lich
gans op ozze prins gerich.
Ein wachhuusje vuur de bewaking is ooch opjesjteld,
Mèr bewaking hat sich doa nog nit gemeld.
Dat vervult miech mit hiel veul zorg.
Want wae stelt ziech noe vuur zien veiligheid borg?
Zien vrung die zunt ja 'immer blau'.
Wat dat bezeechent, dat wees ich jans jenu.
Die losse ja jee beerjlaas nog sjtoa.
Vuur bewaking zunt die überhaupt nit doa.
Drum will iech noen ooze prins eere
En hem als prins ins richtieg grateleere;
Mit ing sjpang will iech diech dekorere
En diech jeluk wunsje en noen felicitere.
Jans veul bewoongering han iech vuur d'r elveroad.
die heere kinne bei miech jee koad.
(Jiddes joar stjuunt die aan mieng duur mit inge feste haas.
Jinge klinge, mer inge jans schwoare baas.)
Iech feliciteer ooch de jubilarisse.
Dat zunt ja richtige flarisse.
Vuur d'r vasteloavensverein sjtunt ze al elf joar paraat.
Ze zunt 'pflichtbewust und immer kordaat'.
Doch ooch noch jet angesj, leef dame en leef heere:
vuur zunt ooch hei in de kirch um tse baene en tse meditere;
um tse loestere noa wat d'r Herrejot taeye oos hat jezaat:
want baene, dat is op ziene tsiet ooch aajebraat.
Ooch steht in d'r biebel geschrieven
doe solls auch deine feinde lieben.
Iech wees, dat ste d'r Herjot alling verstees,

wenn ste ooch in d'r Herjot jeleuve dees.
Wenn ste diech baens en vraogs um jowwe mod
um inge oprechte miensj tse ziè, integer en jod.
D'r jeloof is jinge onzin, mèr dae hat jans veul waet
Vuur alle luuj, op dis welt en op dis aed.
Wae zaet uuch angesj wat jot is en wat koad.
Drum loss ooch ins d'r Herrejot aan 't woad.
Dae jiet diech houvast en ee fundament oonger uung vuss
Vuur wenn ste 't sjwoar hass van leed en van uvverdruss.
Went diech 't laache soms jans verjeet
En diech 't laeve ooch noch kriesje deet.
Went 't stormt en wingt en alles schientg tse baeve
Daan kinnst doe tsrearaet bei de Heer van alle laeve.
Daan hot diech aan d'r Herrejot vas.
Vuur dem bis doe nit lestig en gaar ginge las.
Dae hilt vaan diech, zoewie doe bis
En dink mer nit, dats doe diech misjien verjjs.
Doe has vuur hem ing biezongere waed,
Want zoe wie doe bis, is jinge zweide op dis aed.
Went veer vuur Hem hant die biesongere waed,
Daan hat hae ooch op oos dankbaarheid raet.
Daan moach d'r Herrejot vaan os verwaade
Zoewaal worde mèr ooch noch daade.
Een Onze Vader en ee weesgegroot huërt d'r bei.
Ing hank hulp vuur d'r noaber, of inge kranke is van de partei.
Daan laeve vuur nit vuur oszelf alling.
Vuur jaeve 't vuurbeeld: vuur jroes en vuur kling.
Daan huure vuur op mit alling mer aan ooszelf tse dinke
Daan junt vuur ooch werm noa d'r noaber winke.
Daan waet oos durp d'r himmel oppen aed
Daan blijft Vlorp ziene jowwe naam ummer waed.
Daan viere vuur carnaval, in de stroasse en oppe platz.
Daan zunt Vlorp en d'r Herrejotoos oos allergrüetste schatz. Amen.